

im Dezämber zweituusigundvierezwänzg

FROHES FEST

Liebi Bauherre/Inne, liebi Chunde/Inne,
sehr geehrti Dame und Herre

Alles under ein Huet

Vo nullachtfüfzäh Büeze bis gröberi Sache
versueched mier Unmöglichs möglich z'mache
Einzelni Wohnige, Bäder und Chuchene renoviere
ganzi Wohnblöck Strang-saniere
Böde beschichte, Wänd abdichte oder es Gebäude vo Grund uf errichte
Fassade und Muure vom Moos befreie
D'Umgäbig planiere, de Rase neu säie
das und no vill meh, chasch uf de siegfried Baustelle gseh!

*

Im Büro hämmer ganz anderi Sorge, wo eus erwartet jede Morge
D'Chefe fröged sich jede Tag, sind gnueg Uftrag ume, händ d'Lüüt öppis z'tue?
Sind d'Priise kommerziell optimiert, verdiened mier öppis dezue?
Sind d'Rappört im Huus, d'Rächnige gschriebe?
Händ d'Chunde zahlt, sinds mit de Leistige zfriede?
Isch gnueg Gäld uf em Konto au d'Lieferante wänd ihre Chohle
denn, de Pleitegeier chunnt uf liislige Sohle

*

Eusi Chunde hingäge, fordered eus use, es isch ned zum säge:
Tonneschweri Betonelemänt zentimetergnau platziere,
in en Rohbau i vollem Gang, en historische Chachelofe montiere,
en antike, gwichtige Brunne zügler oder farbefrohi Experimänt usbügler.
Platte uf Stelze verlege, gilts s'nächscht Mal gnauer z'überlege
Spitze ohni Lärm wird zwar gwünscht, liit aber ned i eusne Künscht!

*

S'Wohl vo de Mitarbeiter bruucht ganz vill Pfleg, isch fundamental
Da baued mier druf, s'Resultat isch fenomänal
Sie sind zfriede, chömed gern cho schaffe,
wänd sich au i knifflige Situation zämeraffe
Mit vill Anerkännig und Wertschätzig tüend mier s'Team motiviere
und mit Usbildige id Zuekunft investiere

Mier sind stolz, denn wieder einisch
isches eus glunge, all die Useforderige
under ein Huet zbringel

Vo Herze Danke & Frohi Wiehnachte
Ihri siegfried bau ag

R.L.

Baumauer

Moppel

Kirjens

